

Gradonačelnik Brčko Distrikta, na osnovu člana 9. tačka 7. i člana 23. stav 1. Zakona o izvršnoj vlasti Brčko Distrikta BiH («Službeni glasnik Brčko Distrikta BiH», brojevi: 2/00, 5/01, 9/01, 12/01, 16/01, 17/02, 8/03, 14/03, 31/04 i 40/04), u smislu člana 81. stav 1. Zakona o zaštiti životne sredine („Službeni glasnik Brčko Distrikta BiH“, brojevi: 24/04 i 1/05), na prijedlog Odjeljenja za javne poslove broj: 03-052-000369/06-1 od 20.04.2006. godine Vlade Brčko Distrikta BiH, d o n o s i

P R A V I L N I K
O USLOVIMA ZA PODNOŠENJE ZAHTJEVA ZA IZDAVANJE
EKOLOŠKE DOZVOLE ZA POGONE I POSTROJENJA KOJA
IMAJU IZDATE DOZVOLE PRIJE STUPANJA NA SNAGU
ZAKONA O ZAŠTITI ŽIVOTNE SREDINE

Član 1.

(Predmet)

- (1) Ovim Pravilnikom se propisuju uslovi za podnošenje zahtjeva za izdavanje ekološke dozvole za pogone i postrojenja za koja su izdate dozvole prije stupanja na snagu Zakona o zaštiti životne sredine Brčko Distrikta BiH,
- (2) Pod dozvolom iz stava 1. ovog člana u smislu člana 71. stav 1. Zakona o zaštiti životne sredine smatra se odobrenje za građenje i dozvola za rad, ili upotrebu.

Član 2.

(Subjekti)

- (1) Uslovi utvrđeni u ovom Pravilniku odnose se na pogone i postrojenja navedena u članu 2., 3., 5., i 6. Pravilnika o pogonima i postrojenjima za koje je obavezna procjena uticaja na životnu sredinu i pogonima i postrojenjima koji mogu biti izgrađeni i pušteni u rad samo ako imaju ekološku dozvolu.
- (2) Postojeći pogoni i postrojenja iz stava 1. ovog člana ne podliježu obavezi sprovođenja procjene uticaja na životnu sredinu.

Član 3.

(Plan aktivnosti)

- (1) Odgovorno lice pogona i postrojenja iz člana 2. ovog Pravilnika dužno je, prije podnošenja zahtjeva za izdavanje ekološke dozvole, izraditi plan aktivnosti sa mjerama i rokovima za postupno smanjenje emisija, odnosno zagađenja i za usaglašavanje sa najbolje raspoloživom tehnikom (u daljnjem tekstu Plan).
- (2) Plan izrađuje ovlaštena institucija koja ispunjava uslove za obavljanje djelatnosti iz oblasti zaštite životne sredine.

Član 4.

(Rok za dostavljanje Plana aktivnosti)

Za pogone i postrojenja iz članova 2., 3., 5., i 6. Pravilnika o pogonima i postrojenjima za koje je obavezna procjena uticaja na životnu sredinu i pogonima i postrojenjima koji mogu biti izgrađeni i pušteni u rad samo ako imaju ekološku dozvolu, Plan se dostavlja Nadležnom odjeljenju za zaštitu životne sredine Vlade Brčko Distrikta najkasnije u roku od šest mjeseci prije podnošenja zahtjeva za ekološku dozvolu, a u skladu sa rokovima propisanim Pravilnikom o rokovima za podnošenje zahtjeva za izdavanje ekološke dozvole za pogone i postrojenja koja imaju izdate dozvole prije stupanja na snagu Zakona o zaštiti životne sredine.

Član 5.

(Obaveze odgovornog lica)

- (1) Odgovorno lice pogona i postrojenja dužno je preduzeti sve mjere i aktivnosti utvrđene planom.
- (2) Odgovorno lice pogona i postrojenja nakon odobrenja plana podnosi zahtjev za izdavanje ekološke dozvole u skladu sa članom 66. Zakona o zaštiti životne sredine.
- (3) Registar o pogonima, postrojenjima i zagađivačima sadrži odobreni Plan.

Član 6.

(Sadržaj plana)

Plan mora da sadrži:

- a) Ime i adresu odgovornog lica i investitora pogona i postrojenja,
- b) Lokaciju pogona i postrojenja prikazanu planskim aktom,
- c) Opis djelatnosti pravnog lica, broj zaposlenih, vrsta proizvoda i godišnji kapacitet proizvodnje,

- d) Opis pogona i postrojenja (tehnološke i tehničke cjeline sa shemama i pomoćne objekte, uključujući opremu za smanjenje negativnog uticaja),
- e) Datum početka rada pogona odnosno postrojenja,
- f) Opis postojećeg stanja životne sredine na datoj lokaciji, popis mjesta nastanka, kvantitativne i kvalitativne karakteristike svih zagađenja (otpad, buka, emisije u vazduh, otpadne vode), uz prikaz emisionih mjesta na mapi lokacije. Priložiti dokaz o mjeranju emisija iz emisionih mjesta i podatke o monitoringu stanja životne sredine na lokaciji, dobivenih od ovlaštene institucije,
- g) Lista sirovina i pomoćnih materijala uključujući hemijske materije i gorivo (naziv sirovine, godišnja potrošnja, potrošnja po jedinici proizvoda, ukupni godišnji trošak, opis komponenti ili osobina sa značajnim efektima po životnu sredinu, metoda nabavke, skladištenja i transfera),
- h) Izvor vodosnabdijevanja, ukupna potrošnja vode i potrošnja po jedinici proizvoda. Izvori energije, ukupna potrošnja energije i potrošnja po jedinici proizvoda,
- i) Mjere za održavanje i čišćenje opreme,
- j) Opis postojećeg monitoringa,
- k) Opis postojećih mjera prevencije nastanka emisija, postojećih mjera za svođenje upotrebe sirovina, vode i energije na minimum, opis konačnog tretmana zagađenja (prečišćavanje i konačno zbrinjavanje) i njihova usporedba sa mjerama datim u najboljoj raspoloživoj tehnologiji,
- l) Analiza podataka o potrošnji sirovina i emisijama u skladu sa propisima o grančnim vrijednostima emisija i preporukama datim u najboljoj raspoloživoj tehnologiji,
- m) Spisak aktivnosti i mjera za smanjenje emisija iz pogona i postrojenja i racionalizaciju potrošnje sirovina i prirodnih resursa (vode i energije) u skladu sa najbolje raspoloživom tehnologijom i rokove za preduzimanje predviđenih aktivnosti i mjera,
- n) Prijedlog monitoring plana u skladu sa propisima i rokove za preduzimanje predviđenih aktivnosti i mjera,
- nj) Mjere planirane za monitoring proizvodnje, nastanka otpada i emisija,
- o) Plan za sprečavanje nesreća velikih razmjera i rokove za preduzimanje predviđenih aktivnosti i mjera odgovorne osobe,
- p) Način izvještavanja o rezultatima izvršenja mjera,
- r) Finansijsku procjenu za izvršenje plana na godišnjem nivou,
- s) Plan za prestanak rada ukoliko postrojenje ili pogon prestaje s radom prije 31.12.2007. godine,
- prilog: izvod za prostorno planske dokumentacije, ovjerene kopije svih dozvola, ovjerene kopije postojećih elaborata (zaštita životne sredine, protupožarna zaštita i sigurnost na radu),
- t) U slučaju da je postojeći pogon deponija, osim gore navedenih podataka, plan mora sadržavati prijedlog mjera prilagođavanja po fazama i minimum uslova propisanih u pravilniku o sadržaju plana prilagođavanja, upravljanja otpadom za postojeća postrojenja za tretman ili odlaganje otpada.

Član 7.

(Stručna komisija za kontrolu plana)

- (1) U postupku odobravanja Plana iz člana 4. ovog Pravilnika stručna komisija Nadležnog odjeljenja vrši kontrolu podataka i ocjenu mjere i aktivnosti utvrđenih u planu.
- (2) Članovi stručne komisije nadležnog odjeljenja za zaštitu životne sredine Vlade Brčko Distrikta mogu biti iz reda Nadležnog odjeljenja i vanjskih stručnjaka.
- (3) Stručna komisija Nadležnog odjeljenja iz stava 1. ovog člana podnosi izvještaj šefu Odjeljenja za javne poslove Vlade Brčko Distrikta o prihvatljivosti plana.
- (4) Šef odjeljenja, na osnovu izvještaja Stručne komisije, može naložiti odgovornom licu pogona i postrojenja izmjene i dopune Plana.
- (5) Nakon pozitivne ocjene izvještaja Stručne komisije o prihvatljivosti plana, šef odjeljenja najkasnije u roku od 60. dana odobrava Plan.
- (6) Naknadu za rad Stručne komisije dužno je snositi odgovorno lice pogona i postrojenja.
- (7) Dokaz o uplaćenju naknadi odgovorno lice pogona i postrojenja dostavlja Nadležnom odjeljenju Vlade Brčko Distrikta prije odobravanja Plana.

Član 8.

(Izgradnja novih tehničkih jedinica na lokaciji postojećih pogona i postrojenja)

- a. Nadležno odjeljenje za zaštitu životne sredine Vlade Brčko Distrikta može izdati ekološku dozvolu za novu tehničku jedinicu koja se namjerava graditi na lokaciji postojećih pogona i postrojenja, ako se radi o tehničkoj i tehnološkoj cjelini koja se može samostalno koristiti, prije podnošenja Plana uz obavezu odgovornog lica pogona i postrojenja da nove pogone i postrojenja integralno tretira u Planu.
- b. Ekološka dozvola iz stava 1. ovog člana važi do izdavanja ekološke dozvole za pogone i postrojenja u cjelini u skladu sa odobrenim Planom.

**Član 9.
(Nadzor)**

Nadzor nad primjenom ovog Pravilnika vrši Odjeljenje za javne poslove Vlade Brčko Distrikta BiH.

**Član 10.
(Stupanje na snagu)**

Ovaj Pravilnik stupa na snagu osmog dana od dana objavljivanja u Službenom glasniku Brčko Distrikta BiH.

Broj: 01-014-010386/06

Datum: 27.07. 2006. godine

GRADONAČELNIK
Mirsad Đapo, dipl. pravnik, s.r.

4. energetska industriju,
5. hemijsku industriju,
6. metalnu industriju,
7. ekstraktivnu industriju.

**Član 4.
(Uslovi)**

Odgovorna lica pogona i postrojenja dužna su prije podnošenja zahtjeva za izdavanje ekološke dozvole da ispune uslove propisane u Pravilniku o uslovima za podnošenje zahtjeva za izdavanje ekološke dozvole za pogone i postrojenja koja imaju izdate dozvole prije stupanja na snagu Zakona o zaštiti životne sredine.

**Član 5.
(Nadzor)**

Nadzor nad primjenom ovog Pravilnika vrši Odjeljenje za javne poslove Vlade Brčko Distrikta BiH.

**Član 6.
(Stupanje na snagu)**

Ovaj Pravilnik stupa na snagu 8 dana od dana objavljivanja u Službenom glasniku Brčko Distrikta.

Broj: 01-014-010388/06

Datum: 27.07. 2006. godine

GRADONAČELNIK
Mirsad Đapo dipl. pravnik, s.r.

27

Gradonačelnik Brčko Distrikta, na osnovu člana 9.tačka 7. i člana 23. stav 1. Zakona o izvršnoj vlasti Brčko Distrikta BiH («Službeni glasnik Brčko Distrikta BiH» broj: 2/00, 5/01, 9/01, 12/01, 16/01, 17/02, 8/03, 14/03 i 31/04), u smislu člana 71.stav 2. Zakona o zaštiti životne sredine („Službeni glasnik Brčko Distrikta BiH“, broj: 24/04 i 5/01), na prijedlog Odjeljenja za javne poslove Vlade Brčko Distrikta br.03-052-000369/06-1 od 20.04.2006. godine, d o n o s i

P R A V I L N I K
O ROKOVIMA ZA PODNOŠENJE ZAHTJEVA ZA IZDAVANJE
EKOLOŠKE DOZVOLE ZA POGONE I POSTROJENJA KOJA
IMAJU IZDATE DOZVOLE PRIJE STUPANJA NA SNAGU
ZAKONA O ZAŠTITI ŽIVOTNE SREDINE

**Član 1.
(Predmet)**

- (1) Ovim Pravilnikom utvrđuju se rokovi za podnošenje zahtjeva za izdavanje ekološke dozvole za pogone i postrojenja za koja su izdate dozvole prije stupanja na snagu Zakona o zaštiti životne sredine Brčko Distrikta BiH.
- (2) Pod dozvolom iz stava 1.ovog člana, u smislu člana 71. stav 1. Zakona o zaštiti životne sredine smatra se odobrenje za građenje i dozvola za rad odnosno upotrebu.

**Član 2.
(Subjekti)**

Rokovi utvrđeni u ovom Pravilniku odnose se na pogone i postrojenja navedena u članu 2., 3., 5., i 6. Pravilnika o pogonima i postrojenjima za koje je obavezna procjena uticaja na životnu sredinu i pogonima i postrojenjima koji mogu biti izgrađeni i pušteni u rad samo ako imaju ekološku-okolišnu dozvolu.

**Član 3.
(Rokovi)**

Odgovorna lica pogona i postrojenja iz člana 2. ovog Pravilnika dužni su podnijeti zahtjev za izdavanje ekološke-okolišne dozvole u sljedećim rokovima:

- a) Najkasnije do 31.januara 2007. godine za:
 1. upravljanje vodama,
 2. poljoprivredu, šumarstvo i vodoprivredu,
 3. prehrambenu industriju,
 4. infrastrukturne i druge projekte,
 5. turizam i zabavu
6. pogone i postrojenja za koja postoji opasnost od nesreća većih razmjera.
- b) Najkasnije do 31.augusta 2007. godine za:
 1. mineralnu industriju,
 2. upravljanje otpadom,
 3. tekstilnu, kožarsku, drvnu i papirnu industriju,

28

Na osnovu člana 23 Zakona o izvršnoj vlasti Brčko distrikta BiH («Službeni glasnik Brčko distrikta BiH», brojevi 2/00; 5/01; 9/01; 12/01; 16/01; 17/02; 8/03; 14/03 i 31/04) i članova 4, 23 i 29 Zakona o trgovini («Službeni glasnik Brčko distrikta BiH» br. 40/04), gradonačelnik Brčko distrikta, donosi:

P R A V I L N I K
O MINIMALNIM TEHNIČKIM I KVALIFIKACIONIM
USLOVIMA ZA OBAVLJANJE ŠPEDITERSKE DJELATNOSTI
I ŠPEDITERSKIH POSLOVA

Član 1

Ovim pravilnikom propisuju se bliži uslovi u pogledu obavljanja špediterske djelatnosti i špediterskih poslova u Brčko distriktu BiH od strane pravnih lica registrovanih za ove djelatnosti (u daljnjem tekstu: «preduzeća»).

Član 2

Preduzeće može obavljati djelatnost špedicije ako ispunjava sljedeće uslove:

- da je registrovano za obavljanje špediterske djelatnosti (63400 – aktivnost drugih posrednika u saobraćaju);
- da ima zaposlenog najmanje jednog radnika koji ispunjava uslove za obavljanje špediterskih poslova;
- da je ispunilo tehničke uslove za obavljanje špediterskih poslova;
- da posjeduje rješenje o ispunjavanju uslova za obavljanje djelatnosti koje izdaje Odjeljenje za javnu sigurnost.

Član 3

Pod uslovima za obavljanje djelatnosti iz člana 2 alineje 4 ovog pravilnika podrazumijevaju se:

- poslovne prostorije za obavljanje špediterskih poslova u kojima su obezbijeđeni uređaji i oprema za komuniciranje i rukovanje dokumentacijom (računar, telefonska linija, telefonski aparat, telefaks, kopirni aparat).

Ukoliko preduzeće obavlja poslove špedicije i ima više podružnica na području Brčko distrikta BiH dužno je obezbijediti tehničke uslove iz člana 3 stava 1 ovog pravilnika za svaku podružnicu.

Član 4

Špediterske poslove u preduzeću mogu obavljati radnici koji ispunjavaju sljedeće uslove:

- da imaju visoku stručnu spremu i najmanje jednu godinu radnog iskustva; ili
- da imaju višu stručnu spremu i najmanje tri godine radnog iskustva; ili
- da imaju srednju stručnu spremu i najmanje pet godina radnog iskustva od čega najmanje jednu godinu na špediterskim poslovima; i